

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA

Broj: T04 0 KT 0059638 24  
Zenica, 10.12.2024. godine  
OPĆINSKOM SUDU U ZAVIDOVIĆIMA  
- Sudiji za prethodno saslušanje –  
ZAVIDOVIĆI

Na osnovu člana 45. stav 2. tačka i) i člana 241. stav 1. ZKP-a F BiH, p o d i ž e m

O P T U Ź N I C U

Protiv:

A. I. , osuđivan presudom Općinskog suda u Zavidovićima od 01.11.2022. godine za krivično djelo Šumska krađa iz člana 316. stav 1. KZ F BiH na kaznu zatvora u trajanju od trideset dana, uslovno jedna godina,

Što je:

Dana 26.07.2024. godine oko 17,00 sati u mjestu M., općina Maglaj, naročito drskim i bezobzirnim ponašanjem i nasiljem prema drugom ugrozio građanski mir, a što je i htio, na način da je fizički napao A. E., koji se tom prilikom nalazio u svom bageru marke „K..“ kome je prišao sa ručnom kosom u ruci, mahao istom iznad E. glave, te mu psovao i prijetio da će ga ubiti, nakon čega je ostavio kosu, te uzeo metalne vile za travu kojima je mahao i tom prilikom je istima zakačio E. lijevu podlakticu i tom prilikom mu nanio laku tjelesnu povredu u vidu ubodne rane, a istim vilama je udario po ručki bagera koja se nalazi u kabini bagera sa lijeve strane, te oštetio istu,

Čime je sticaju počinio krivično djelo nasilničko ponašanje iz člana 362. stav 2. u vezi sa stavom 1. i Oštećenje tuđe stvari iz člana 293. stav 1. KZ F BiH.